

Forico Sechi

S'AMMENTU CHI LIGAT

1° premio ex aequo (Logudorese)

Ti miro ancora e ancora sas venas
han palpidos pro te, pius sentidos
forsis, ca penso, idendedi, a fuidos
pensamentos d'amore, de un amore
fattu de risos bellos, de dolore,
de ojadas furanzulas e penas.

Nascheit improvvisu, crè non crè,
tra zoccos de marteddos e frusciare
de pianas, cand'enias a chilcare
asciuza pro azzendere su fogu;
totta brios, moinas, totta giogu;
e-i sa pius bella fit pro te.

Non meda sos faeddos, bastaian
sos risos bellos de sa gioventura.
Tando sa vida fit totta lugura:
unu 'eranu de gioias ebbia,
e una serenada 'e simpatia
su coro cun sos ojos cantaian.

Poi una die mi ses isparida.
E sun passados, sos annos. Passados...!
Tenimus, oe, fizos istimados,
unu diversu amore tutt'e duos:
Eo sos mios e tue sos tuos
affettos e fastizos de sa vida.

Perdidos sunu colores e brios,
su tempus nos hat ambos cambiadu.

Oe solu, s'ammentu 'e su passadu,
 nos ligat e nos unit un istante.
 Però, de tando, tottu ch'est distante:
 sos risos tuos e sos inghirios mios.

Bae in bonora, bae e torra ancora,
 s'asciuzza pius bella est sempre a tie:
 Como che una sorre ses a mie:
 pius bella mi pares, pius cara.
 Has in sos ojos una lughe rara
 pius pura de tando, incantadora.

IL RICORDO CHE LEGA

Ti guardo ancora, e ancora le vene hanno caldi palpiti per te, forse perché, vedendoti, mi tornano ricordi d'un amore passato, fatto di sorrisi, di dolori, di occhiate furtive e di pene.

Nacque improvviso, pieno di timori, tra martellate e frusciare di pialle, quando venivi a prender trucioli buoni per accendere il fuoco, tutta vezzosa e piena di moine, ed i più belli erano sempre per te.

Non tanto le parole: allora bastavano, i bei sorrisi della giovinezza. Allora la vita era davvero radiosa: una primavera di gioie soltanto; e serenate di dolcezza e affetti, cantavano gli occhi ed il cuore.

Poi, un giorno sei sparita. E son passati, gli anni, passati! Abbiamo, oggi, figli adorati, ed un diverso amore tutti e due: ed io ho i miei, e tu pure hai i tuoi affetti e affanni della vita.

Sono finite le gioie e gli amori, e il tempo ci ha mutato ambedue. Solo il ricordo del tempo passato, ci lega e ci unisce un solo istante. Però, di allora, tutto è già distante: le risa tue e le mie galanterie.

Vai in buon'ora, vai e torna ancora, i trucioli più belli sono sempre per te. Adesso, ti vedo come una sorella e sei più bella e mi sei più cara. Porti negli occhi una luce rara, più pura di allora, che m'incanta.